

Gou Hag Rox Mak-yungz Cauj Gyaeq Lo

我学会了西红柿炒蛋

武鸣县仙湖镇中桥小学四(2)班 潘彦丞



Ngoenzneix, lauxsae buci hangh cozyez daegbieb ndeu, heuh dou hag guh gienh hongranz ndeu. Gou gietdingh hag guh makyungz cau jgyaeq.

Banngoenz, gou caj mbouj gib daep dox, daj ndaw binghsiengh dawz song aen gyaeggaeq caeuq aen makyungz ndeu okdaeu. Riengzlaeng gou dawz makyungz swiq ndaej seuqsatsat, gaem caxbyaek dawz makyungz ronq baenz ndiq hung iq mbouj doxdoengz. Aenvih dwg baez daih' it guh, fajfwngz gaem caxbyaek gig ndaet. Yienzhaueh, dawz gyaeggaeq roq haeu aen heng baez, aen gyaeg gauz lo, caiq siujsim sisi dwk dawz byukgyaeq mbek baenz song mbiengj, gyaeghau gyaeghenj lumj lwgnyez maqmuengh swyouz ityiengh sikhaek cung roengz ndaw vanj, gou caiq gya di gyu ndeu, yungh dawh gyaux, ciemhciemh gyaeghau gyaeghenj

yungzhab itheij, lij ok haujai bop iq dwggaez. Gyaeq gyaux ndei lo.

Gou dawz rek cuengq hwnj gwnz saeuq, diemj feiz, duj feiz lamzsumsum lumjdwg cingq vih gou gyayouz ityiengh, angqfwng riz daej rek. Yaepndeu rek couh ndat lo, caiq dwk youz roengz rek bae, menhmenh couh mauh ok hoenz-heu, youz youq ndaw rek ok haujai bopiq, doeklaeng youh menhmenh sanq deuz lo. Bop siu le, youz hix gaeng cawj ndei, gou din fwngz luenh dwk dawz gij gyaeq raix haeu ndaw rek, "cw cw cw", gyaeq sikhaek youq ndaw rek goenj hwnjdaeu, bongz hwnj haujai aen bop-hung henjgim, gig vaiq bienqbaenz binggyaeq henjgim, lumj aen daeng-ngoenz ityiengh. Gou yungh canj dawz binggyaeq cab baenz gaiq iq, fan mbouj dingz, doeklaeng dawz makyungz ronq ndei haenx raix roengzbae, gya di gyu, ndaw rek fat ok singyae "sw sw sw", lumj dwg yencou souj go ndeu. Raq heiqhom makyungz gyaux gyaeq mbin haeu ndaeng daeu.

Gou nip gaiq iq cimz le, "w, mbouj ndaengq hix mbouj cit, caen ndeigwn!" Faenh makyungz cau jgyaeq couh guh ndei lo. Gou daek haeu ndaw deb, gij heiq hom dawz daengx ranz vunz cungj yinx gvaqdaeu, gyoengqde mwngz gaemz gou gaemz, cimz dwk, daihgya cungj haenhou cawj ndaej caen ndeigwn.

Gou caegcaeg riu lo, aenvih gou cimz daengz gij angq guhbaenz saeh.

(指导老师:彭君星)

Seiqgyaiq Go'ndoeck

竹子的世界

武鸣县仙湖镇中桥小学六(1)班 潘丹洁

Ninz youq gwnz diegnywj unqnemnem, diem hoengheiq singjsangj, dingq singgo gyaunde daswyenz, ciemhciemh dwk, gou lumz bonjfaenh, lumz aen seiqgyaiq dangqnaj, caeuq daswyenz yungz baenz benq ndeu, baenz daswyenz ndawde boux ndeu—go'ndoeck.

Daeu daengz aen seiqgyaiq geizheih neix, dangqnaj benq ronghsag ndeu: Henz ndang gou miz haujai beixnuengx, boux daemq boux sang, boux biz boux byom, caezgya vuenyungz dwk swngghoz youq gizneix. Gou iet hoz coh baihnaj yawjbae, henzgyawj gou miz diuz dah' iq sawdikdik ndeu; dah' iq mbiengj haenx dwg benq naz gvangqyubyub, heusausau he, raq rumz ndeu boq gvaq, fan hwnj baenz caengz baenz caengz langhheu, gingsaek gyaunde raixcaix!

Gou cingq yawj dwk maez bae, sawqmwh dingqny lai din miz singyae. Gou ngaemgyaeu baez yawj, cijraen bang moed ndeu cingq simgaenj dwk byaij bae byaij dauq, lumj miz maz saeh gaenjgip nei. Gvaq yaephe, duz moed loq iq ndeu sawqmwh naengh roengz doem bae siengsim dwk daejnga' nga hwnjdaeu, geij faen cung cungj mbouj dingz roengzdaeu. Seizneix doengzdoh de engq simgip lo. Gou saedcaih nyaenx mbouj ndaej lo, hai bak cam: "Duzmoed, sou ndei! Yawj sou yienghneix gaenj, dwg mbouj dwg bungzdaengz gijmaz saeh nanz ne?" Duz moed hung ndeu han: "Bonjlaiz ngoenzneix dou siengj bae doenghnaz youz, hoeng diuz dah neix laengz roen, mbouj miz banhfaep gvaqbae. Dou vih bae youz cinjbi haujai ngoenz lo." Dingq gij vah de, gou gietdingh bangcoh gyoengqde. Seizneix, gyoengq beixnuengx gou hix veiz gvaqdaeu nai: "Gaej daej lo, sou hix mbouj yungh simgip, dou bangcoh sou." Gangj sat, dou gak boux gak daj gwnz ndang bonjfaenh mbaet mbaw faex ndeu roengzdaeu cuengq haeu ndaw dah bae, hawj bang moed naengh hwnjbae dohgvaq dah' iq lo. Bangmoed benz hwnj hamq, riu coh dou diemzsis. Gou vadvad fwngz, hemq naeuz: "Hoh sou vaiqvued……"

Gou lij siengj hemq: "Dauqma seiz dou caiq doh sou gvaq dah!" Lij caengz hemq ok bak, sawqmwh doeksaet singj lo. Gij cingzgingj ndaw fangzhwnz caen geizheih ha! Seiqgyaiq go'ndoeck caen hawj gou louzlien.

(指导老师:潘文清)

Vah bouxbien

编者按

Vihliux hawj gyoengq doengzhag roengzdangz le miz lai cungj saw Sawcuengh yawj, ndaej hag lai di Sawcuengh cihsiz, daj geiz neix hwnj, bonj banj hainduj laebdaeb bienfat "goj lwgnyez", gyoengq doengzhag, sou yawj le dangh-naeuz miz maz siengjgap cingj sij saeng naeuz hawj dou, danghnaeuz sou hix siengj sij "goj lwgnyez", cingj sij le geiq daeu hawj dou, dou yaeq dawz gij sij ndaej ndei haenx daeng okdaeu hawj vunz lai yawj.

Doenghbaez, lajmbwn mbangj giz ngoenz gwn geij donq haex, mbangj giz cib ngoenz buenq ndwen cij gwn donq ndeu; miz vunz ngoenz guh haemh ninz, miz vunz haemh guh ngoenz ninz.

Goengmbwn siengj hawj vunz dingh doxdoengz bae, couh heuh lajfwngz hemq Gyapdiet cienghginh daeu lingx minghlingh.

Gyapdiet cienghginh daeu lo. De hungsang cangqewt, naengnoh ndaem youh ndongq, gwnz ndang aemq fan gyap diet ndaemndwt genggywt. De

Gyapdiet Cienghginh



yawjyawj seiqlengq, ndawsim gag ndaenggon: "Hw, daengx ciengz mbouj miz saek boux beij de baenzmbauq vifung!" De cingq daekaiq fwngfwng, Goengmbwn doiq de roengz minghlingh, naeuz: "Gyapdiet cienghginh, mwngz sikhaek dawz minghlingh soengq daengz lajmbwn bae, hawj gyoengqvunz dingh ndei: Banngoenz guhhong, banhaemh yietnaiq, sam ngoenz gwn donq haex ndeu. Itdingh aeu gyoengqvunz cungj ciuq gij gvidingh neix daeu gwn haex yietnaiq guhhong, mbouj ndaej caiq luenh lo!"

Gyapdiet cienghginh baez dingq, couh sikhaek bongx aek baujingq guh ndei.

Gyapdiet cienghginh mbin daengz

铁甲将军

lajmbwn, ra raen bouxdaeuz gyoengqvunz, minghlingh: "Goengmbwn minghlingh: Banngoenz guhhong, banhaemh yietnaiq, ngoenz gwn sam donq haex. Itdingh aeu ciuq gij gvidingh neix daeu gwn haex yietnaiq guhhong, mbouj ndaej caiq luenh!"

Gwnzmbwn ngoenz ndeu, lajmbwn sam bi. Gyoengqvunz cungj ciuq gij "gvidingh Goengmbwn" Gyapdiet cienghginh soengq daeu neix guhhong, yietnaiq, gwnhaeux, cungj mbouj gamj luenh, gig vaiq couh gvenq lo. Hoeng, aenvih gwn lai gwn dei, ok haex ok nyough hix lai hix dei, daengx biengz cungj haeungaungau.

Heiq haeu oenq daengz gwnzmbwn, Goengmbwn nyaenx mbouj ndaej lo, couh baij lajfwngz bae cazyawj. Boux bae cazyawj dauqma bauq le, Goengmbwn huj swenj "daij Gyapdiet cienghginh daeu".

Goengmbwn hongz Gyapdiet cienghginh: "Mwngz dauqdaej soengq minghlingh daengz lajmbwn caengz?"

Gyapdiet cienghginh naeuz: "Gou

ciuq mwngz minghlingh gyoengqvunz: Banngoenz guhhong, banhaemh yietnaiq, ngoenz gwn sam donq haex. Itdingh aeu ciuq gij gvidingh neix daeu gwn haex yietnaiq guhhong, mbouj ndaej caiq luenh!"

Goengmbwn hujdengdeng naeuz: "Boux vunz sam ngoenz gwn donq ceiq ngamj, mwngz dauq gag minghlingh gyoengqvunz ngoenz gwn sam donq! Seizneix gyoengqvunz gaengq sibgvenq lo, nanz gaij lo! Mwngz cienz minghlingh loek couh aeu fucwz, mwngz roengz lajmbwn bae doi haex goemq ndei, ciuhlgw ciuhlan ceih haex, mbouj hawj heiq haeu lah vunz baenz bingh!" Gangj sat fwngz baez vad, dawz Gyapdiet cienghginh bienqbaenz duz nengz hung ndeu.

Gyapdiet cienghginh mbouj gamj lawq, sikhaek mbin roengz lajmbwn daeu. De aeu gyapdiet hen ndang, mbongq congh, gungq haex baenz ndaek, roux haeu congh bae, gunx namh moek hwnjdaeu, haex mbouj liux hong mbouj duenh.

Seizneix, vunz lajbiengz lij sibgvenq ngoenz gwn sam donq, lwglan Gyapdiet cienghginh lij nyaengq ceih haex. Daihgya heuh gyoengqde guh "mbongjmbwt", "nengzmbwt", hix miz lwgnyez heuh gyoengqde "Gyapdiet cienghginh".

(Ganh Sozywnz/甘说文)